

Nuorttanaste

»Gæca dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 13.

10ad jakkegærdde.

»Nuorttanaste« maksa ovta kruvna jakkoda
gast, bladde dinggujuvuu juokke poasta-
rappe lutte.

15ad Juli 1908.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Rokkadusa birra.

(Čali okta engelas olmai, gæn namma læ
R. A. Torrey.)

(Loappa).

11. Læ vel okta ašše, manditi mi
alelassi siskaldasat gocevaš ja vuoitte-
vaš rokkadusast galggap læt — ja dat
læ okta famolaš ašše, namalassi dat,
maid rokkadus dugju. Ollo juo læmas
celkkujuvvum dam birra; mutto ollo
læ ain, mi matta celkkujuvvut.

1. Rokkadus oudeda min vuoiñalaš
šaddo, nuftgo i mikkege æra. Bibal-
dutkan ja rokkadus berreba baldala-
gai bigjut. Rokkadusa bokte læ dat,
atte mu suddo — mu ænemusat celk-
kujuvvum suddo — šadda almos. Go
mon čibbidam ala manam Ibmel oud-
di ja rokkadalam: »Suogard mu Ib-
mel, ja dovda mu vaimo, gæččal mu
ja dovda mu mangalagaš jurddagid.
Ja gæca, læmgo mon bakčasa gæino
alde, ja laidde mu agalašvuoda gæino
mielde.« Go mi nuft rokkadallap, de
sadde Ibmel dam suogardægje čuovga
min silloi, ja dak suddok, maid mi
ouddal æp læm fuobmam, šaddek alb-
mosak min dovddoi, ja vastadussan
mu rokkadussi buttista Ibmel mu mu
suddostam (Salm. 51, 2.) Vastadussan
rokkadussi rappasek mu čalmek, nuft
atte mon oainam daid imašlaš dingaid
Ibmel lagast. (Salm. 119, 18.) Vasta-
dussan rokkadussi vuostaivaldam mon
visesvuoda oaidnet Ibmel gæino ja fa-
mo vagjolet dam mielde. (Joh. 1, 15).
Go mon rokkadusast gavnadam Ibme-
lin ja gæčadam su muođost muttoi,
de nubbastattujuvvum mon su gova
mielde hærvasvuodast hærvasvutti.
Juokke bæivve, maid mi adnep duo-
đalaš rokkadusast, bukta čiegnaleb la-
gašvutti min buristsivdnevuvvum

Hærrainæmek.

Muittaluvvu muttom olbma birra,
gæn namma læi John Welch — John
Knox vivva, atte son læi okta daina
oskaldæmus rokkadusa olbmain, okta
daina, gæid mailbme harvve oaidna.
Son lavvi gidda 8 dimo ragjai bæivest
adnet rokkadussi. Okta boares olmai
celki su birra su jabmeim mañnel, at-
te son læi Kristusa govva.

Mi læi sivvan dasa, atte son Kri-
stusa lagau læi dam mærrai?

Su rokkadusain devddujuvvum
ællem læ čilggitus dasa.

2. Rokkadusa čađa oazžop mi fa-
mo balvvalussi. Jos mi halidep famo
oazžot dam barggoi, masa Ibmel læ
goččom min, — lekus dat dal sardne-
fidno, oapatambarggo, manai-bajasgæs-
sem daihe miikkenassi, de oazžop ni
dam duodalaš rokkadusa čađa.

Okta nisson bođi muttom bæive
mu lusa su gandaines, guttē læi nuft
væitalas, atte son i birggim daina.
»Maid galgam mon dakkat gandai-
nam?« jærai son.

Mon jerrim: »Lækgo don goas-
sege gæččalam rokkadusa?«

Son vastedi, atte gal son doavvo
ječas læt rokkadallam su oudast. Mon
jerrim: »Lækgo don rokkadallam, at-
te Ibmel nubbastuttaši su sielo, su ka-
raktera?« Son vastedi, atte son i læm
rokkadallam aido nuft. Son algi dan
bæive rajest, ige læm gukka, ouddal-
go nubbastus devddujuvvui ganda gæ-
vatusast, ja son bajasšaddai ja sust
bođi duotta kristalaš.

Ædnagak læk dak oapatægjek,
gæk jagi mietta læk oapatam, oige
læk oaidnam maidege šaddoid sin bar-
gost; mutto go si botte dovddat rokka-
dusa čiegosvuoda ja famo, de šadde
si gaskaoabmen doalvvot ovta nubbe
mañest manain Kristus lusa. Ædnag

sardnedægje riebok šadde famolaš Ib-
mel olbma, go si suppijegje buok
dorvo, sin ječasek dokkalašvuoda ja
addaldagaid ja vurdde famo alla-
gasast. — John Livingstone læi særv-
valagai su oskovieļjaidesguim olles ija
rokkadusast Ibmeli, ja bæive mañnel
vuiti son ovtain sarnin 500 olbmu Ib-
meli.

3. Rokkadus læ gaskaoabme ærai
jorggalussi, æi læk galle jorggalusa
dam mailmest dpatuvvam alma rok-
kadusataga. Ovta aige jurdašegjim
mon, atte i gavdnum dat olmuš æd-
nain alde, gæn bokte mon jorggalussi
bottim; dastgo mon im læk gatamuša
ja jorggalusa dakkam guđege girkost,
sodnabæiveskuvlast daihe gænge per-
sovnalaš sagastallama bokte. Mon
morranim ja jorggalusa dakkim dam
jaskis gaskaijadimost. Go mon sæng-
gasam mannim ja oadđajim, dalle i
læm must uccemusge jurda dasa, atte
mon jorggalusa galggim dakkat; mutto
mon morranim mañnelaš gaskaija ja
5 minutast legjim mon jorggalusa dak-
kam. Moadde minuta ouddalgo dat
dapatuvai, legjim mon nuft lakka dam
agalaš dubmitusa, go juo vejolaš
læi boattet. Ovta juolge legjim mon
bajedam rajē bagjel, ja legjim juo o-
žudæme nubbe maidai. — Mon cæl-
kam, atte mon jurdašim, atte i læm
ovtainge olbmui mikkege dakkamu-
šaid mu jorggalusain. Mutto mon ož-
žom diettet mañnel ovtast mu skippa-
rin, atte cædnam læi dam mærradam,
atte son i hæite rokkadallamest mu
oudast ouddalgo mon læm bestujuvvum

Davja čajeta rokkadus su stuora
avkes dallego buok čera časka fæila.
Monika rokkadusak su čagjadam, æp-
pegulolaš barnes oudast orro gukka
læme duššas; mutto dak legje muittu-
juvum Ibmel lutte, damditi šaddai

girkkoac̄e Augustin jorggaluvvut ja famolaš Ibmel olmajen, su birra sardno girkkohistoria ollo. Rokkadusa bokte læk muttomak Ibmel s̄ervvegodde garras̄emus vašalažain vuittujuvvum. Dak c̄iegnal̄omuset jorralan gadotusa šlavak læk rokkadusa bokte šaddam Ibmela gulol̄emus mannan. Vuoi, rokkadusa fabmo matta ollit gukkas bodnai, c̄iegnal̄assi dokko, gost vel i doavvo oro maidege vekid vuorddemen, ja dat matta bajedet olbmaid ja nissonid bajas s̄ervvevutti ja lagasvutti daina ælle Ibmelin. Imaš læ, atte olmuš nuft uccan arvo galgga bigjat dam famolaš gaskaoubmai.

4. Rokkadus bukta buristsivdnadusa s̄ervvegoddai. Girkkohistoria c̄ajeta, atte juokke aige læk læmaš olles raiddo vaddesvuodak, mak galgge bagjelvuittujuvvut. Bærgalak vašota s̄ervvegodde, ja damditi gæc̄ala son juokke lakai hettit s̄ervvegodde ouddanc̄ome. Muttomin gæc̄ala son dam værreopo bokte, æra aige fast rido bokte ja fast æra aige vuoinalaš fuollamatomvuoda bokte s̄ervvegodde ællemest. Mutto rokkadusa bokte mattep mi gavdnat gr̄eino c̄ađa buok ja vuottet bagjel buok. Rokkadus njulgge c̄agjadusa, eritagja gadašvuoda, mailmalas̄vuoda ja fastes ællema — ja Ibmela ællatægje armo dievas ja buttes ravdnje boatta sisa. Historia dam nanne hærvas̄emus lakai. Daina sævdnjad̄emus aigin girkkohistoriast, go oroi c̄ajet̄ome dego buok doavvo lif̄ei vassan, dalle botte oskolaš olbmak ja nissonak okti s̄ervvalagai c̄uorvvot Ibmlest væke, ja vække bođi farga.

Nuft læi John Knox beivin, nuft læi Wesley ja Whitefield beivin. Dam s̄emma dagai Jonathan Edwards ja David Brainered ja Fenny. — Dat stuora moridus Amerikast jagest 1857 ja Irlandast 1859 læi vastadus oktas̄ rokkadussi. Mi læp maidai min beivin dam s̄emma guoratallam. Damditi rakis lokke, bissop mi rokkadusa siste. Bærgalak, mailbme ja oažže dollek oažalašvuoda stuora guossemallasid ja bovdiijek obba mailme s̄ervvas̄esek. Aigge læ sævdnjad; mutto almaken algga Ibmel su bargos. Son rakkana, go son guldala su manaides rokkadusaid.

Bissan dasal

Juokkehaš, gutte læ velgolaš »Nuorttanastai« sikke dam jage ja mannam jage oudast, bivdujuvvu læt nuft buorre, atte maksa blađe oudast oudalگو aibas hœlbba. Muite, atte blađe darbaš mavso, jos dat galga c̄uožžot.

Gi læ „gomo-oaivve?“

»Sagai Muittalægje« 10ad nummarrest c̄alla Sami stuoradiggeolmai Isak Saba Kristiania ja stuoradigge od̄da sagaid. Go son girkkoas̄e birra muittala, de son c̄alla naft: »Girkkoas̄e dafhost læ ain moivve. Gomo-oaivve kristalaz̄ak læk dal rakad̄eme aldses̄esek od̄da pappaskuvla. Pappa Hognestad galgga dasa læt oapatægjen — — — Mon im læk goassege likom sierra servidi. Samead̄namest læk ollo olbmuk, gæk munga saje addijek Ibmel sane æra lakai go duot daihe dat pappa; mutto æi dak damditi ječasek sierra gaiko« j. n. v.

Mi oaidnep dam bittast, atte Saba namata daid gomo-oaivve kristalaz̄an, gæk læk s̄ervvam dam od̄da pappaskuvla asat̄am jurddagi. Samegilli mi æp læk dam namatusa vel ouddal oaidnam; mutto darogielast mi læp davja lokkam ja gullam dagjumen »hængehode,« ja danen læk muttom Dačak; gr̄eina i læk vuoinalaš hægga, navddam duotta kristalaz̄aid, vaiko galle dat namma hui uccan leivve duotta kristalaz̄aidi; dastgo jos ovtastge læ as̄e ilost læt ja oaive cæggot doallat, de læ duotta kristalaz̄ast dat. Manditi galgga son, gutte Ibmel arbolas̄ ja Kristus̄a arbbinguoibme læ, vagjolet gomooaive mailme c̄ađa.

Mutto manditi læ dat namma bigjum sin ala. Dam mi gal arvvedep hui burist. Dat læ damditi, go duotta kristalaz̄vuotta ja mailmalas̄vuotta c̄eba soaba okti. Dak læba nuft vuostalagai dego dolla ja c̄acce. Jesus cælkka: »Di lepet mailme c̄uovgas,« ja nubbe saje: »Di lepet ædnam saltek,« ja Paulus cælkka: »Allet gævat ječaid̄edek dam mailme lakai, mutto nubbastuvvet din mieladek ođasmattujume bokte, nuft atte di guoratallabetet, mi læ Ibmel buorre, dokkalaš ja olles dat to.« Okta duotta kristalaz̄ i mate s̄ervvat mailme havskodagaidi ja navdas̄emidi, jukkamservidi, koarttaspelemisservidi, dansimservidi ja nuft ain. Suina læ nuftgo c̄uožžo Moses birra: »Osko bokte biettali Moses, go son læi šaddam stuoresn, goc̄ejuvvut Farao nieida bardnen ja vallji ouddal bahaid gillat Ibmel albmugin go adnet suddo aiggas̄as̄ navdas̄eme. (Ebr. 11, 24—25.) Ja go duotta kristalaz̄ dam i sate dakkat, de goc̄ejuvvu son gomo-oaivven.

Gæk læk, gæk dam od̄da pappaskuvla asatus jurddagi læk s̄ervvam? Modin sanin cælkket: Si læk dak olbmak ja nissonak min æd̄namest, gæk rakisen adnek dam evangeliumlas̄ lutheranalaš girkko, damditi go sin jakko mannavuoda rajest læ læmaš, atte dam girkko oappo læmaš bibala oappo, ja go si oidne gumpe boattemen professorai ja papa Konow hame vuolde, æigo si berrin dalle c̄uorvvot varrimane, nuftgo bisma Hauch rokke manemuš ællem jagines celki. Mi jærrap dust Saba, don, gutte maidai læk religion-oapatægje ja — girkkolavilo lutheranalaš statagirkost. Æpgo mi berrin varrimane jienetet. Jos i læk stuoradigge aibmo oaivvegavpugest bilidam du, de læp mi vissas dam ala, atte don terttik vaimostad guorras̄et, atte dat oappo, mi biettala Kristus̄a ibmelvuoda, Bassevuoina olgusgolgatusa ja ollaset dam lonastus mavso, mi suddo diti læ Ibmlest addujuvvum — dat oappo i šat læk kristalaz̄ oappo. Dat læ ollaset i dušse lutheranalaš girkko, mutto obba dam kristalaz̄ girkko vuostai.

Lægo dalle imas̄, atte olbmuk, gud̄ek velas̄ge sogjek kristalaz̄vuoda bællai, alggek jurdas̄et, æpgo mi gæc̄æl od̄da pappaskuvla asat̄et, nuft atte min æd̄namest gavdnu dat baikke, gost min gandak, jos si dov̄dek siskaldes viggatusa pappan studerit, bessek mannat. Dat i læk imas̄, æmbo imas̄ lif̄ei, jos i oktage lif̄ei maidege dakkam varjalet dam migjiđi Ibmlest almastuvvin buttes oapo. Dam mi galle diettep, atte buttes oappo alma vuoinalaš lægataga i bæste ovtage; mutto almaken læ nuft, jos olmuš galgga bestujuvvut, de fertte son dam buttes oapo dov̄ddat.

Ja mi dasa boatta, atte dam od̄da pappaskuvla ja sin, gæk dam birra læk c̄oagganam, sierras̄ervven goc̄ot, de dat i mange lakai heivve. Sierras̄erve rakadægjek læk dak min aige Kristus̄a ibmelvuoda biettalægje professorak ja papak, mutto æi lutheranalaš oapost giddadoalle olbmuk.

Ja go Saba cælkka, atte moadde-lagaš ibmardusak Ibmel sane harrai læk Samead̄namest, mutto almaken æi gaiko ječasek sierra, de dat galle læ nuft. Mi dov̄ddap hui burist Samead̄nam olbmuid, ja mi sattep cælkket: erinoamač̄et Samek læk religionalaš olbmuk, si læk angerak dam buttes

oppoi. Davja læk si — nuftgo maidai ædnag Darolažak cælkam: »Nuft gukka go oapatuvvu buttasat statagir-kost, de i læk mikkege darbašvuodaid dast eritvuolggel.« Mutto gi dietta, jos si bessek ollaset gullat min aige ođđa religion oapo, maid si dalle dakkek. Ja mi jakkep maidai dam, atte Samek æi vuorde, atte sin stuoradiggeolmai galgga duotta kristalašvuoda ja buttes oapo vuostaibarggat ja obbanassi ječas gævartet dam lakai, atte dot Nuortta-Sameadnam Sabmelaš, gutte okti čali likkotes stuoradiggevalljim birra, riehta oažžo.

Gost læk navlleraigek?

Okta boares mainas muttom munke birra čuogja navt:

Muttom ija bođi munke ladnji okta hui čabhat garvvodam nuorra olmai šelgis gollesuorbmasin suormast.

»Gi læk don?« jærrali munke.

»Mon lœm Kristus,« vastedi dat amas olmai, mutto daggar suobmanin, mi i sulastatte sudnji, gutte læ logje ja vuollegaš vaimost.

Munke gæčai oanekaš aige duodalažat su ala ja jærrali dasto: »Gost læk navllemærkak?«

Olmai šovkodi, go dam gačal-daga oažoi ja vazzai olgus.

Okta jiedna læ, mi alelassi ja fillijægje famoin aigi čađa læ čuryvom: »Gæčä, dabe læ Kristus! daihe dobbe læ Kristus!« Dai maņemuš aigi vuostai šadda dat jiedna čuogjat vel famolæbbo ja vel cæmbo fillijægje, vel dak olgusvalljijuvvumakge šaddet boattet stuora vaddesvutti dam čaba mutto hirbmos jiena bokte. Kristus læ addam buok aigi kristalažaidi varritusa dam vuostai, go son læ cælkam: »Allet osko sin.«

»Vieljačidam, allet jakke juokke vuigni,« cælkka apostal Johannes, »mutto gæčäl lækgo si Ibmelest.« Jæra navllemærkai!

Okta vuoncagavpug.

Kaliforniast, arvo mielde 75 km. San Franciskost læ okta gavpug, mast læk 6000 assek ja 1 miljon vuoncak. Dam gavpug namma læ Petaluma. Loddedoallam ja loddegavppe læ dam gavpuga aiduo sisaboado-aja. Vaivašemusin læ dušše 60 arvo vuoncak; mutto daina riggasemusin læ gidda 15000 ragjai vuoncak. Mannam jage vuvdi dat gavpug 120 miljon monid.

Nissonak »jabmem-atestusast.«

Daggar bagjelčallag vuolde lokkujuvvu ovta darogielbladest navt:

Oaivvepoastakantorast Washingtonast læ dam maņemuš aiggai læmaš nuft stuora sisavagjolus sappanin, atte poastadoimatægje nissonak alelassi læk »jabmenbalost.« Si læk dal aittam »streika« dakkat, jos dak sappanak æi gæppeduvvu, ja poastamaister læ departementast occam bevilgijume sappanruvidi.

Fløttamganda

birra i gullu dal baljo mikkege; mutto almaken læk muttomak, gæk su occek su sidast, ja son oažžo duolle dalle brævai sikke sis- ja olggœdnamest. Mannam vakko læi son markkanest Troandemest, gost daina beivvin maidai læ »udstilleg«. Dobbe daggai son moadde imašlaš dago daggo bokte, atte dieđo addi muttom javkkam dingai birra. Okta læi massam golledimos moadde jage dast ouddal. Johan »oini« dam dallanaga æigada ječas dalost ja su ječas vuorkain. Gandda oažoi buorre mavso dam oaidnem oudast.

Si aiggo Ruoša kaisarest

hæga valddet.

Gieskad læk politiak Ruošaæduamest gavdnam ovta særve, mi læ asatuvvum dam varas, atte kaisarest hæga valddet. Manga čuođe olbmak ja nissonak læk aresterijuvvum. Soaldatak læk faktan bigjum buok jernbanaidi.

Sven Hedin.

Gost læ son dal? jerrek darogiel ja ruotagiel bladek. Nuftgo min lokkek vissa dittek læ Sven Hedin okta ruotalaš dietto-olmai — okta, gutte occa amas ædnamid, baikid ja olmuš-čærdaid. Son vulgi moadde jage dast ouddal Sis-Asia iskat. Gukka dieđeti son, gost son jodi; mutto dal læ mannam hirbmos gukkes aigge, go i læk šat sust boattam dietto. Su bæraš ja ærak ballek, atte daidda son juoga lakkai læt hægas manatam. Dietto i læk boattam sust november mano rajest.

Kæisar Wilhelm ja Judalažak.

Tuiska kæisar læ gieskad addam soat-teveki dam goččoma, atte oskodovdatus i galgga læt hettitussan oktige, gutte aigoš offišeran šaddat. Ouddal

æi læk Judalažak bæssam dam fidnoi, mutto dal bessek. Dak tuiskalaš soat-tehærrak æi likom dam mærradussi, dastgo si jakkek, atte Judalažain i læk Tuiskalažai vanhemiædnam rakisvuotta.

Hækka sagak.

Alaska Sabmelažak Norgi.

Dat oidnujuvvu Engelas ja Amerika avisai alde, atte guokta Sabmelaža aiggoba boattet Norgi oappaladdat boares ædnama, namalassi G. P. Boyno Garašjogast ja Alfred Nilima Guovddagæinost. Soai vuolggeba Alaskast august manost ja olleba Sameadnami oktober manost. Sodnost daidda læt gukkes ræiso.

Okta necca manas

čuoласти nubbes suormaid rasta. Soai læiga juničak bælnub' jage boarras. Nubbe bijai suormaides smakkomuora ala ja nubbe čuoласти. Doavter dallanaga vižžujuvvui, ja son gæččali daid suormaid oktiravddat savetam diti.

Olmuš berre burist bærraigæččat manaid, amasek si akšoi guim dukkoraddat.

Okta 2-jakkasaš nieiddamanna

javkai fakkistaga mannam vakko muttom dalost lakka Kristiania. Bæraš ocai vuost su dam lagamuš vuovdest gukka, mutto i gavdnam i mærkage. Okta kompani soaldatak kommanderijuvvujegje dasto vækken occat mana. Si occe olles jandur, mutto æi fal gavdnam. Æskä šad bæive gavdne si su muttom goikke gavvost 2 km. dalost erit.

Si gavdne su daggobokte, atte gulle su smavaset čierromen. Daggo legje si vazzam manga gærde, mutto æi læm fuobmam gæččat dam gavvost. Son vællai dast sido alde, nubbe soagja læi oaive vuolde. Son læi olles daidost; mutto su juolgek ja giedak legje sagga bontanam. Ja čielgas læi oaidnet, atte gukka son i lifči šat ællam. Son læ ain nuft hægjo, atte vazzet i goasta; mutto doavter arvvala, atte son farga dærvasmuvva, ja atte son i maidege vigid oažo dam dapatusa gæčeld.

Jagešaddo

dabe Nordlanda amtast i oro ænaš baikin čajetæne rapaden. Rasse dat daddeke læ nuftgo læ, mutto potetosak æi šadda favnadet. Dak gukkalmas čoaska davvebiegak læk dasa sivvan.

Allagelbolaš H. I. Olsen.

Gukka manai aigge ouddalگو buogo raiggani — olles jakke. —

Dalkut du davda im mate, mutto ferttem almaken oaffaruššat dudnji moadde sane, go ouddanboadak ja muittalak aibas giellasid ja viggak mu æppegudnejattet du cukcasiguim.

Vuost læk buocas, go mon daruiduttim-bargo orom adnemen darbašlašžan, ja dasto, go boares Opdahl im læk laittam. Don muittalak, atte mon blađi bokte læm soarddam Same albuga, ja vela gittam daid olbmaid, guđek dam barggek.

Buok, maid læm cælkam, aigum duottan čajetet. Mon læm cælkam, atte jos mi Samek æp oappa darogiela, de mi æp bæsa oažžot daid dieđoid ja dam bajasčuvvggitusa, mi Dačain. Mon jæram dust: Gost læ Saba viežžam bajasčuvvggitusa, lægo samegiel vai darogiel studerimest?

Mon læm visses dam ala, atte hrr. Saba læ gittevašvuodain algost darogiel'oapo vuostaivalddam ja dasto læ son viššalvuodain maŋgel studerin ja læ bæssam su burid sie/onavcadesguim dam »kulturbane« ala, gost son dal læ. — Sattakgo cælkket, atte mon daggo læm boastot čallan? Gæn læ ašše, atte darogiella min ala læ baggijuvvum? Vastadus læ čielgas: Min ječamek læ ašše. Mattakgo dam addet ustebam? Dam birra aigom moadde sane cælkket, vai oainak, atte mon im læk mæcest nuftgo cælkak.

Dačak læk migjidi girjid samas jorggalam ja blađid olgusaddam; mutto maid læp mi barggam. Girjid læp mi valddam, go læp skænkkan ožžom. Dak blađek, mak læk Dačain olgusaddujuvvum, læk ferttim hættet olgusboattemest, ja i læk ollos čuovggadeb' boatte aigge daina blađin, mak dal læk olgus boattemen. Dast læp mi čajetam, man uccan mist læ halidus ouddanæbmai. Mattakgo imaštet, atte min Dačak læk dolkkam migjidi fallamest maidege, go mi buok bagjelgæččep? Mi læp min loikasvuodainucemek ječa dego cælkam: »Æp mi darbaš maidege.« Jos dal okta nuorra Sabmelaš angervuodain bargga oappat darogiela ja ožuda æraid dam oappat, de cælkujuvvu, atte son bargga dam su čevllai vuoda goččom miel-

de. Soaimak vel, atte mon læm hokkatam fiskarid ja bargid politika ašin, vai sin vieso ješ bæsam rievadet avden. Goas læk gullam, atte mon læm aiggom rievadet maidege mu bargguiminam, ja maina aiguk duottan dam čajetet? Donge okta loikka Sabmelaš, gutte ik sate aige čuovvot buorebut, go jage maŋabæld ælak buok æra olbmuin. Go dille i læk ouddal vastedet čallagid, go jakke ain golla, de læ buoremus, atte diftak orrot, ja erinoamačet go dust læk nuft hæjos værjok go giellasak.

Muittalak, atte mon læm sæmma olmai, gutte læm čallam dam bita, mi su aigestes læi čallum »Nuorttanastai« »Likkotes stuoradiggevalljim« birra. Gæst læk dam gullam ja maina damge duottan čajetak? Ik mainage. Gieles gæčest gæčai. Gaddakgo mu læt nuft arge, atte im duosta nammam čallet bittaidam vuollai. Mon læm duostam čallet ja vastedet sæmma burid olbmaid avisa čađa, go dudnji, ja nammam čallet vuollai, imge læk darbašam čiekkat ovtage bokstava daihe ærai nama duokkai čiekkadet; dastgo im læk goassege darbašam gielestet ja nubbe gudne billeted. Orok moaratuvvam mu ala ja cælkak, atte mon im oažo maidege gudnid mu čallema bokte. Dam im læk bivdemenge; mutto im mon jakke, atte donge maidege »Olavs orden riddermærka« oažok, go hæppadlažat mu vuostai naggek ja giellasid duottan nannek. Mon im læk Saba laittam imge rabmom; dastgo dat læi mendo arrad, go mon dimag čallim, ja imge mon su bargo birra aigo šat maidege cælkket, go son læ dego monegarra, atte buokak buocajek, go su birra mikkege celkkujuvvu.

Politika birra im cæлке æra go, atte don oažok hæibbut gæina halidak, must i læk dille ja imge mon viša nuft vises olbmain gažžadaddat go H. I. Olsen læ. Dušše dat, atte socialistak æi oro galle aiggomen læme oassebæl' olmajen stuoradiggest. Sin lobek æi læk smavva ja juoga sist geččujuvvu. Æi suige si læk nuft varalaža, atte sist galgga ballat, nuftgo don gaddak mu dakkat. Duotta læ, atte i oktage læk mæisteren riegam; mutto i suige stuoradigge læt mikkege skuvlaid, atte stuoradiggeolmai galgga dobbe čokkat 3 jage oappam diti, ja go ođđa valgga dollujuv-

vu, de ganske son i valljijuvvu šat ja nubbe æra su sagjai sadijuvvu. Maid galgga son dalle daina oapain, go olbmuk čei oažo avke dast. Finmarko, mi nuft mannabællen adnujuvvu, darbaša olles olbmaid stuoradiggai, ja ige læk varre saddet dokko maidege skuvllamanaid. Mon doavom, atte Saba čajeta ječas ollesen diggest, nuft atte son læ ansašægje dam rame, mi sudnji læ addujuvvum ouddal valga.

Don logak, atte mon læm buocos, go im šaddam stuoradiggeolmajen, mutto dast aigom jærrat: Goas læm mon barggam dan ala, atte stuoradiggai bæssat, ja goas læm mon ječčam rabmom dasa dokkalažžan? Daggo læk vuot oppeti gaddoidad ouddandoallamen. Vuost matam dudnji muittalet, atte mon im læk vel dalge dam agest, atte dokkišim stuoradiggeolmajen, jos oktage daggar jallavuodaid fuobmašifčei, atte mu ala oaffarušaši su stemmas. Oppeti cælkam, atte im mon buoca stuoradiggefeber, dastgo dasa galggek dokkalæbbe olbmæk go mon, erinoamačet galggek si loppedet valljijegjidi gollid ja ruonas vuvidid, guđek galggek stemmaid aldsesek ožudet. Jos læk socialista, »hoire« daihe »venstre« olmai ja stemmek olbmai ala, gæk lobiguim ožudek stemmaid, de læk vieka daidemættom politika ašest, ja dalle læ buoremus, atte moai orro baikest dam bodda go ærak mannek valggi. Mon im læk ollo havid stemmin go læm ain nuorra; mutto juokke have læm mon »urna« sisa bigjam mu stemmaseddalam ječčam oaivvelin ja imge ærai hokatusa mielde.

Hæitam dam have, ja imge aigo šat blađid dævddet du cukcasid vastadaddat. Oažok čallet, maid datok mu diti, mutto muite, atte ik galga mannat duottavuoda raje bagjel ja giellasiuguim olbmuid viggat æppegudnejattet ja persovnalášvuodaid ouddangæssat.

Tanen den 24—6—08

Henr. A. Henriksen.

* * *

Daggobokte addujuvvu diettavassi, atte Henr. A. Henriksen i læk dam namatuvvum bitta (»Likkotes stuoradiggevalljim«) sisasadijægje. (Redaktøra).

Okta nieidda

lakka Birgena dorotalai vuoksai jamas. Olbmuk aicce dam, go oidne vuovsa oaive varran.

»Nuorttanaste« čalle, prentejægje ja olgusadde læ G. F. Lund Sigerfjord, Vesteraalen.